

मार्निंग डोगरी न्यूज़ बुलेटिन, समें. **09-20** Hrs

<><><><><><>

Headlines

- मुख्यमंत्री ओमर अब्दुल्ला होरें पहलगाम च सैलानी गतिविधिएं च फही बाददे पर संदोख बुज्जझदे होई आखेआ ऐ जे कीती जा'रदी कोशशें दे खरे नतीजे लब्भा करदे न।
- उपमुख्यमंत्री सुरिंदर चौधरी होरें आखेआ ऐ जे जम्मू-कश्मीर च सैलसफा ते सिड़क संपर्क दे बाददे-विस्तार लेई बेहतर सिड़क संपर्क बक्खी चेचा ध्यान दित्ता जा'रदा ऐ।
- केन्द्री मंत्री डाक्टर जीतेन्द्र सिंह होरें आखेआ ऐ जे पिच्छले 11एं ब'रें दरान देसै नागरिक सेवाएं ते युवाएं दिएं आसैं-तांगें दा लोकतंत्रीकरण हुं'दा दिक्खेआ ऐ।
- भारत नै जंग दी मारै हेठ आए दे ईरान थमां आपरेशन सिंधु दे तैह्त्त अपने 1700 शा मते बसनीकें गी सुरक्षित मुख्य वापस लेई आंदा ऐ।
- बरसांती दी रूतै दे मददेनजर जम्मू जिला प्रशासन जोरें-शोरें तैयारियां करै करदा ऐ ते हाड़ें दी रोकथाम ते होरनें आपात स्थितिएं बक्खी चेचा ध्यान दित्ता जा'रदा ऐ।

<><><><><><>

CM-Tourism

मुख्यमंत्री उमर अब्दुल्ला होरें कश्मीर सैलसफा आले क्षेत्र च परतियै उछाल दिक्खियै उह्दा सुआगत कीता ते इसी इक खरी सारत दस्सेआ। पहलगाम दे अपने दौरे मगरा उनें संदोख जाहर कीता। उनें आखेआ जे मशहूर सैलानी थाहर पहलगाम च हुन परतियै जान आई गई ऐ की जे मुख्य भरै थमां सैलानी ते मकामी लोक इत्थें आवा'रदे न। सोशल मीडिया एक्स पर कीते दे अपने इक पोस्ट च मुख्यमंत्री होरें आखेआ जे सैलानिएं दा औना इस गल्ला दा सबूत ऐ जे लगातार जतन हुन नतीजे देआ'रदे न। 22 अप्रैल गर बेसारण घाटी च होए दे आतंकी हमले च 26 लोक मारे गे हे। एह्दे मगरा सैलानिएं दी आमद घटी गई ही पर हुन सैलसफा च खरा उछाल आया ऐ।

<><><><><><>

Dy CM Roads

सैलसफा गी जम्मू-कश्मीर दी अर्थबवस्था दी रीढ़ दी हड्डी करार दिंदे होई उपमुख्यमंत्री सुरिंदर चौधरी होरें आखेआ ऐ जे सरकार सैलसफा गी बढ़ावा देने लेई सिड़क संपर्क गी बड़ी मती तरजीह देआ करदी ऐ। उ'नें आखेआ जे जम्मू-कश्मीर च औने आहलें गी बक्ख-बक्ख चाल्ली दे सैलसफा तजुर्बे हासल हुंदे न। उपमुख्यमंत्री होरें इब्बी आखेआ जे प्रदेश च, खासकरियै जम्मू खित्ते च नमीं सैलानी थाहरां विकसित करने दे जतन बरोबर जारी न। चौधरी होरें आम लोकें गी गुजारिश कीती जे ओह सोशल मीडिया दे राहें सिड़कें दी स्थिति बारै जानकारीयां सांझी करदे रौहन।

<><><><><><>

Health Sec Amarnath

श्री अमरनाथ जी दी जात्तरा लेई तैयारियां हून जोर फगड़ा करदि'आ न ते इस्सै सरबंधै च सेहत सचिव डाक्टर सैय्यद आबिद रशीद शाह होरें पहलगाम च सेहत सरबंधी स्हूलतें दा जायजा लैता। उ'नें नुनवन आधार शिविर उपजिला अस्पताल ते चंदनवाड़ी च 100 बिस्तरें दी समर्थ आहले अस्पताल च मेडिकल ढांचे दा जायजा लैता। इस दरान वरिष्ठ सेहत अधिकारी बी उ'दे कन्नै मजूद हे। डाक्टर आबिद होरें 24 घेंटे सेहत स्हूलतां उपलब्ध करोआने, जरूरी दोआईएं दी उपलब्धिता, मरहलेवार ढंग्गै सिर मेडिकल टीमें दी तैनाती पर जोर पाया। उ'नें माहिर अमले ते पूरे पराते सरिस्ते ते आपातकालीन दिक्खभाल जकीनी बनाने पर बी जोर दित्ता।

<><><><><><>

MoS Civil Services

जम्मू-कश्मीर ते होरनें दुए प्रदेशें दे युवा हून भारती लोक सेवा म्तेहानें च खरी कारकरदगी दस्सा करदे न ते इस भेठा बेहतर कम्म करा'रदे न। डीडी न्यूज़ गी दित्ते गेदे इक इंटरव्यू च केन्द्री राज्यमंत्री डाक्टर जीतेन्द्र सिंह होरें आखेआ जे प्रधानमंत्री नरेन्द्र मोदी हु'दी अगुवाई च पिच्छले 11एं ब'रें च लोक सेवा दा लोकतांत्रिकरण होआ ते युवा अपनी आसैं-तांगें गी खुल्लियै पूरा करी सका करदे न। एह्दे थमां पैहले शीर्ष थाहरें पर बिहार ते केरल थमां मेदवार उ'दे कन्नै हे। हून जम्मू-कश्मीर, पंजाब ते हरियाणा थमां बी मेदवार खरा प्रदर्शन करा'रदे न। इस मौके पर बोलदे होई केन्द्री राज्यमंत्री होरें आखेआ

<><><><><><>

Satish Plantation

पर्यावरण दे टिकाऊ विकास गी बढ़ावा देने दे मकसद कन्नै शिड़क यातायात मंत्री सतीश शर्मा होरें अज्ज हीरानगर च रूख-बूहटे लाने दा इक व्यापक अभियान रम्भ कीता। एह अभियान जंगलात मैहकमे दे सहयोग कन्नै करोआया गेआ जेदे च बड़ी बढ़ गिनतरी च विद्यार्थियें, नौजवानें ते पर्यावरण दी राक्खी करने आहले सनें सरकारी मुलाजमें ते सिविल सोसायटी दे सदस्यें दी शमूलियत दिक्खने गी लब्बी। हीरानगर थमां विधायक ते होरनें मन्ने-परमन्ने दे मकामी लोक बी मौके पर उत्थे मौजूद हे। इस मौके बोलदे होई मंत्री सतीश शर्मा होरें आखेआ जे जम्मू-कश्मीर च पर्यावरण सरबंधी सुधार आहने दी बड़ी मती लोड़ ऐ ते हीरानगर जनेह इलाकें लेई बड़ा जरूरी ऐ जे सब्बै मुतल्लका धड़े किट्टे रलियै इस दिशा च कम्म करन।

<><><><><><>

Op Sindhu

विदेश राज्यमंत्री पबित्रा मारघरीटा होरें ईरान दे मशहाद इलाके थमां बशेश डुआरी दे राहें नमीं दिल्ली आहन्ने गेदे 285 भारतीयें दे समूह दा सोआगत कीता। उ'नें दस्सेआ जे आपरेशन सिंधु दे तैहत्त अजें तगर 1 जहार 713 भारती बसनीकें गी ईरान थमां सुरक्षित बचाइयै मुख्य वापस आहन्नेआ जाई चुके दा ऐ। उ'नें इब्बी दस्सेआ जे अगले द'उं दिनें दरान ईरान थमां 2 शा 3 होर डुआरियां चलाने दा कार्यक्रम ऐ। राज्यमंत्री होरें गलाया जे बदेश मंत्रालय नै ईरान ते इजराईल च रवै करदे सभ्मनें भारती बसनीकें कन्नै लगातार संपर्क बनाई रक्खे दा ऐ। तोआई जंग दी मारै हेठ आए दे ईरान थमां सुरक्षित बचाइयै मुख्य वापस आहन्ने गेदे भारती बसनीकें भीडिया कन्नै गल्लबात करदे होई अपने बचार सांझे कीते।

<><><><><><>

DC Jammu Monsoon

बरसांती दा मौसम आई गेदा ऐ ते एहदे मददेनजर जम्मू दे डिप्टी कमिशनर सचिन कुमार वैश्य होरें मैहकमा पुलस, हाड़ें दी रोकथाम, पीएचई, पीडब्ल्यूडी ते सेहत्त मैहकमे दे वरिष्ठ अधिकारिएं कन्नै बैठक लाई ते सरबंधत तैयारिएं दा जायजा लैता। डिप्टी कमिशनर होरें हाड़ें दी रोकथाम ते बचाऽ आहले इलाकें दी शिनाख्त करने लेई गलाया। उ'नें नियंत्रण कक्ष कायम करने ते एम्बूलेंसें दी तैनाती वगैरा लेई बी गलाया। इसदे अलावा उ'नें लोकें गी जागरूक करने लेई गतिविधियां चलाने दी जरूरत पर जोर पाया।

<><><><><><>

DC Rajouri Visit

भलेआं हेठली सतह उप्पर लोकें गी पेश आवा'रदी दिक्कतें—परेशानिएं गी दूर करने दे मकसद कन्नै रजौरी दे जिला विकास कमिशनर अभिषेक शर्मा होरें जंदी चिरें सं'झां डूंगी ब्लाक दे बन्ने आहले इक ग्रां दा दौरा लाइयै मुकामी लोकें दिएं समस्याएं गी सुनेआ। इ'दे च सिड़क संपर्क, बिजली, पानी, सेहत दिक्खभाल ते शिक्षा कन्नै सरबंघ तमामले मुख्ख तौर पर शामिल हे। जिला विकास कमिशनर होरें उ'नेंगी जकीन दोआया जे उ'दिएं समस्याएं दा पक्क गै लोड़चदा हल कड्डेआ जाहग। शर्मा होरें इस मौके पर राई—बाई दे पूरे—पराते विकास सरबंघी कार्यक्रम —एच.ए.डी.पी. दे तैहत मुकामी उद्यमिएं कन्नै बी गल्लबात कीती ते उ'दे जतनें दी सराहना करदे होई आखेआ जे प्रशासन, लोकें गी उ'दे घरें कश गै सब्भै सुविधां उपलब्ध करोआने लेई वचनबद्ध ऐ। मुकामी बसनीकें मती सक्रियता कन्नै पुट्टी गेदी इस गैह लेई प्रशासन दा धन्नवाद कीता।

<><><><><><>

Kousar Nag Yatra

औंदी सलाना कौसर नाग जात्तरा लेई रियासी दे जिला प्रशासन नै सब्भनें तैयारिएं गी मुक्कदा रूप देई दित्ता ऐ। डिप्टी कमिशनर निधि मलिक होरें सुरक्षित ते बवस्थित जात्तरा जकीनी बनाने दी जरूरतै पर जोर पांदे होई सरबंघत अधिकारिएं गी आखेआ ऐ जे ओह सुरक्षा, मेडिकल दिक्खभाल, साफ—सफाई ते ट्रांसपोर्ट सेवाएं बक्खी चेचा ध्यान देन। उ'नें बक्ख—बक्ख मैह्कमें बश्कार तालमेल दी जरूरतै पर जोर दि'दे होई बेहतर बवस्था जकीनी बनाने लेई आखेआ ऐ। डिप्टी कमिशनर होरें अधिकारिएं गी निर्देश दित्ता जे ओह जात्तरा दी पूरी अवधि दरान सोहगे—सतर्क रौहन। उ'नें इब्बी आखेआ जे प्रशासन श्रद्दालुएं गी इक बेह्तरीन अनुभव उपलब्ध करोआने लेई वचनबद्ध ऐ।

<><><><><><>